

四庫全書

史部

欽定四庫全書

史部
廣西通志

目錄
卷二

詳校官給事中臣鄧文泮

檢討臣德生覆勘

總校官進士臣朱鈐

校對官主事臣陳文樞

謄錄監生臣施華

恭

進廣西通志表

巡撫廣西等處地方提督軍務兼都察院右副都御史加二級軍功紀錄三次革職留任臣金鉉謹
題為欽奉

上諭纂修通志成稿恭寫進

呈臣等誠惶誠恐稽首頓首上言伏以

陳常會極要荒統事編摩

敷訓綏猷邊徼弗遺文獻

彰合軌同風之盛

宏類族辨物之權載以縑緗揭斗南之日月呈之冊
府炳嶺右之星雲竊惟列服有常辯職方而垂掌
宅中無外圖王會以揚休禹迹用彰虞風斯動原
夫西粵宅自南交聯分野於荆揚東吳西楚郤百
蠻以桂象後漢先秦元鼎之意在羈縻統七郡於
交趾東漢則義緣封建屬侯國於零陵自晉而還
使節遂開軍府由隋以上都督並治廣南分二管

以桂邕爰制領軍之重設西路於靜慶用垂節鎮
之雄蓋有分土而無分民總出一人之怙冒近治
內而遠治外必專列岳之封疆考德考業考言賢
者能識其大有社有官有政前事即可為師然而
蒼梧之記載寥然邕宜之傳聞僅矣沂湘灘合脈
水經注而未詳記交粵分區銅柱標而非舊狀南
方之草木敘遊宦之紀聞桂海虞衡誌土風於瑣
細嶺表異錄效蠻語於俚俚祇藉叢談未資典要

若夫通志彙以成書樹之風聲其義通於政教納
諸軌物所關不獨文章乃修輯虛聞卷帙久經散
佚或編纂已備搜羅猶涉徇私非邀

聖鑒之裁成莫備

熙朝之掌故欽惟

皇帝陛下

道光九有

恩洽羣生

觀人文以化成極禮導樂和之盛治
亶聰明而時憲邁文謨武烈之鴻庥
視萬里如目前物情畢照

運天下於掌上

睿慮遐周南車重譯之鄉誦中國有

聖人咸依朔貢雕題交趾之域近光天於

帝德共戴尊親聲教訖於無垠幅員極於至廣乃頒

諭旨於直省各修志記於方輿政俗有常貴條分而縷

析事辭相附取理順而文從顯微闡幽循名必當
覈實知人論世徵信勿以傳疑臣等猥以荒蕪載
承纂輯識慚衡鑒學昧典墳辭之修而立誠夙曾
有志言之文而行遠竊愧未能肅奉

絲綸用司鉛槧發凡起例審義類之相從損故益新詳
本末之大致或次當釐正先星野而後輿圖或鑒
勿虛淆覈鄉賢而澄名宦城邑渠梁之改建事有
創而實因賦役營壘之變通制屢定而宜悉綜沿

草以紀要述官制以揆宜有以便觀覽而別體裁
亦以鑒古今而徵治忽至於別學校於營建道隆
師表而禮尚秩宗冠

詔制於藝文言超典謨而義尊

昭代整齊教化

宣諭必關於揚越而識

帝治之範圍器數聲容繪圖特顯其修明而見學宮之
慎重他若附土司於秩官以後系諸蠻於安南之

前大

朝廷一中外之規控馭倍周於戎索繹春秋先王人之義職貢亦隸於版圖雖淺見寡聞未獲殫形容於

聖治而一知半解亦欲漱芳潤於藝林伏願

久道和恒

敷文格被

兼三才而在宥

聖聖同符

周六合而為心人人遵路被德禮於信從之極寓經
綸於文字之中微外風清計勝無煩於聚米海隅

日出太平備見於編書臣等無任瞻

天仰

聖激切屏營之至謹奉

表隨

進以

聞

廣西通志凡例

一舊志以十大志統諸條目如沿革風俗附地輿學校附營建權輿輕重於義未安今擇其類可相從者然後附見庶於體裁不戾

一天文繪全圖於首而分野躔次一依西厯查算註明至於氣候機祥訂訛補缺分地編年兼採雜志附紀以存考信

一圖經原為舊志所有於各府形勢扼塞指畫頗晰

全史四庫全書
凡例
編於星野之前失其次矣今覆加考訂凡有未當
略為增刪集成一卷為各府輿圖之冠泗城鎮安
二府新奉改流亦仿他府補繕因經按圖以圖證
經無煩聚米

一沿革表皆參據各史輿地志通典通考諸書訂正
以求不冗不漏至我

朝建置因地制宜歷年具有

題案詳晰紀次用志

昭代良規而分圻畫界斟酌變通亦於荒徼控馭不
無有資

一粵西山川載不勝載今按各府州縣志及開送冊
籍擇其名猶雅馴或地當要險者補所未備

一凡壇廟神祠通行祀典有司所在修舉必詳著年
月並存其姓氏者粵嶺荒遠凜奉

上諭仰識薦歆孚若之誠協於軌物成民而致力於神
少示風厲為率作興事者勸

一金湯設險城池於營建為重而廨署所以出政倉庫所以儲財即依類附載如西隆東蘭南寧百色麥嶺等工凡有建設並皆輯補

一通省陂塘澮遂率皆水利有資農業創於前而因於後載存舊志若興安陡河舊河淤塞另成新河臨桂鮎魚陡即唐人所鑿相思埭增設橋隄陡座經奉

特旨修建事雖因舊而工倍創始聿為黔楚通津利賴

實溥詳志端木

聖主嘉惠遠民德意川流並永矣

一戶口田賦攤稅鹽法諸務皆通省大政理財聚人之要其開墾陞科各項案查遞年奏銷改定而攤鹽更置凡舊所未載者並詳查確考增隸各條後因草變通之善有可審焉

一物產舊祇分類或瑣細備錄或誇竒述異而分晰未確今改作各府分紀仍於諸產中略為類次其

有物不異常若氣候資用獨少殊者不厭繁撫以誌風土

一舊志秩官於歷代設官分職大凡未為提綱會要今以官制表冠於前凡一官而古今異名一地而繁簡異制因事增設備詳緣起至於秩官姓名蒐討固多舛訛不少今於各史乘就其顯有援據者舉為按正其無憑考覈者仍存以志闕疑

一南寧太平思恩慶遠鎮安諸土司自宋迄今世守

厥土其中雖不無沿革莫非設邊陲藩籬增流官羽翼也忠順者賞以示勸桀驁者革以示懲控馭之道與澄敘官方實相維繫故附土司於秩官後其行誼稍可節錄者別為土司人物傳一卷亦善善欲長之意也

一粵西兵制邊徼馭防較內地為重參稽前史代有損益而見我

朝之大備雍正三年以後如百色隆林新太賓州鎮

安等地各協營汛壘凡有增設改建一一增入詩
有采薇治外易曰固於芑桑則寧詳毋略焉

一舊志名宦頗無選擇其失也濫或全錄本傳或節
錄數行均於粵西了無干涉其失也蕪今嚴於去
取辭有簡而事必覈非刻薄先賢正以徵信來哲
一選舉於舊志既有增補兼有更正舉即隨事案出
明非任意點竄也雍正三年後鄉會試皆按題名
錄增入

一粵西人物之通顯者舊志謂之名臣今統為鄉賢
其中冗者刪之濫者去之缺畧者蒐羅載籍以補
之至於忠義孝友卓行儒林文苑隱逸悉加訂正
務求名實相符

一是非予奪志例原仿諸正史百世之名不可假也
舊志名宦鄉賢中有裁擇未精者摘取編次別為
雜傳一卷就文衡事覽者可自曉焉

一舊志以漢趙佗諸人列作封建附存名宦今為摘

出并詳考各史增入數人前為表而後系傳另立

一卷以備體例

一舊志先安南而後諸蠻春秋之義列服不先於王人重內輕外也若以屬國冠諸中土蠻民之上輕重倒置矣今為更正改象胥志曰諸蠻

一舊志叙諸蠻雖皆援據史乘而不分劃門類且各府雜然錯見殊無眉目今按各府次敘先蠻習次蠻疆分隸次歷代馭蠻而附之以安南庶幾便於

省覽

一藝文編次洪惟

皇朝詔制冠冕列朝數言訓行

列聖謨誥煌煌實天下萬世計矣至各體詩文舊志蒐羅

雖廣必有關於政治風俗山川形勝足以備輶軒
採擇者方為存錄以慎裁取雜記所以補藝文之
闕舊志採摭繁蕪且多迂怪事大類齊諧諸臯今
悉刪汰

欽定四庫全書

史部十一

廣西通志卷首目錄

地理類三

都會郡縣之屬

卷一

星野

卷二

氣候

卷三

機祥

卷四

圖經

卷五

輿圖

卷六

沿革

卷七

沿革

卷八

沿革

卷九

沿革

卷十

疆域

卷十一

疆域

卷十二

疆域

卷十三

山川

卷十四

山川

卷十五

山川

卷十六

山川

卷十七

山川

卷十八

關梁

卷十九

關梁

卷二十

驛站

卷二十一

溝洫

卷二十二

田賦

卷二十三

田賦

卷二十四

田賦

卷二十五

額辦

卷二十六

屯田

卷二十七

鹽法

卷二十八

權稅

卷二十九

積貯

卷三十

戶口

卷三十一

物產

卷三十二

風俗

卷三十三

蠲卹

卷三十四

城池

卷三十五

廨署

卷三十六

廨署

卷三十七

學校

卷三十八

學校

卷三十九

學校

卷四十

學校

卷四十一

學校

卷四十二

壇廟

卷四十三

寺觀

卷四十四

古蹟

卷四十五

古蹟

卷四十六

兵制

卷四十七

兵制

卷四十八

秩官

卷四十九

秩官

卷五十

秩官

卷五十一

秩官

卷五十二

秩官

卷五十三

秩官

卷五十四

秩官

卷五十五

秩官

卷五十六

秩官

卷五十七

秩官

卷五十八

秩官

卷五十九

秩官

卷六十

秩官

卷六十一

秩官

土司附

卷六十二

封建

卷六十三

名宦

卷六十四

名宦

卷六十五

名宦

卷六十六

名宦

卷六十七

名宦

卷六十八

名宦

卷六十九

名宦

卷七十

選舉

卷七十一

選舉

卷七十二

選舉

卷七十三

選舉

卷七十四

選舉

卷七十五

選舉

卷七十六

鄉賢

卷七十七

鄉賢

卷七十八

鄉賢

卷七十九

鄉賢

卷八十

鄉賢

卷八十一

忠義

卷八十二

孝友

卷八十三

卓行

卷八十四

儒林

文苑附

卷八十五

隱逸

卷八十六

遷客

流寓附

卷八十七

方伎

仙釋附

卷八十八

列女

卷八十九

列女

卷九十

雜傳

卷九十一

土司人物

卷九十二

諸蠻

卷九十三

諸蠻

卷九十四

諸蠻

卷九十五

諸蠻

卷九十六

諸蠻

安南附

卷九十七

藝文

卷九十八

藝文

卷九十九

藝文

卷一百

藝文

卷一百一

藝文

卷一百二

藝文

卷一百三

藝文

卷一百四

藝文

卷一百五

藝文

卷一百六

藝文

卷一百七

藝文

卷一百八

藝文

卷一百九

藝文

卷一百十

藝文

卷一百十一

藝文

卷一百十二

藝文

卷一百十三

藝文

卷一百十四

藝文

卷一百十五

藝文

卷一百十六

藝文

卷一百十七

藝文

卷一百十八

藝文

卷一百十九

藝文

卷一百二十

藝文

卷一百二十一

藝文

卷一百二十二

藝文

卷一百二十三

藝文

卷一百二十四

藝文

卷一百二十五

藝文

卷一百二十六

藝文

卷一百二十七

藝文

卷一百二十八

藝文

臣等謹案廣西通志一百二十八卷

國朝巡撫廣西都察院右副都御史金鉉等監
修自桂林象郡之名著於史記厥後南荒興
志漸有成編其存於今者如唐莫休符之桂
林風土記段公路之北戶錄宋范成大之桂
海虞衡志明魏濬之嶠南瑣記張鳳鳴之桂

故桂勝皆敘述典雅掌故可稽惟其間郡縣沿革前代既損益不一

本朝版圖式廓建置周詳若泗城鎮安東蘭歸順寧明諸府州皆已改土歸流凡昔所稱羈縻州者無不隸王官而登戶籍與前代半隸蠻徼者形勢迥殊未可執舊文而談新制此書成於雍正十一年亦當時奉

詔所纂集其遺聞故事雖頗以諸家遺籍為憑而於

昭代良規分晰具載指掌釐然充足為稽考之
助固不比縣錄等僅主模山範水已也乾隆
四十六年二月恭校上

總纂官

臣紀昀

臣陸錫熊

臣孫士毅

總校官

臣陸

費

墀

欽定四庫全書

卷前目錄

欽定四庫全書

廣西通志卷一

星野

周禮保章氏以星土辯九州所封之域其後星經散軼惟漢地理志載分野始詳而鄭康成十二次之分因之歷世屢變言人人殊惟茲百粵或以為星紀牛女或以為鶉尾翼軫至一行以粵西之西北當屬翼軫東南當屬牛女蔡戡主以立論而聚

訟始息我

皇上崇效卑法兩大合撰斯三辰式序粵雖邊徼莫不
仰光華而歌紉縵豈猶局星官分野之見乎然氣
候參差本於躔次機祥徵應各殊封域亦敬授人
時之不可不講求者志天文

周

天


列


宿

全


圖

天文圖





牛宿圖



牛宿考

牛宿六星內二星一即路二聚火中星主犧牲外三星主南越距外星去極百十度半入牛初凡七度赤道七度二十分黃道七度五十分位丑次於

分吳越於野揚州

李世瑞天文考下同

附牛宿所屬十星

天田九星在牛宿外距右內星去極百十六度半入斗二十二度

九坎九星在天田左外距右去極百四十一度半
入牛初度

左右旗各九星右旗在河鼓右距外端去極八十
八度入斗十五度左旗在河鼓左距外端去極七
十三度入牛初度左旗又曰文旗右旗又曰武旗
天桴四星在牛之上東西列距左星去極九十四
度入斗二十四度半

河鼓三星在天桴上兩旗之中南北列距中星外


去極八十三度入斗二十二度又曰牽牛星

漸臺四星在漢旁值織女右足距左外去極五十
八度入斗十度

輦道五星在織女左足距左去極四十七度半入
斗十一度半

羅堰三星在牛左距右星去極百九度入牛四度
織女三星在河上天紀端距大星去極五十二度
半入斗五度右足值漸臺左足值輦道

女宿圖



女宿考

女宿四星又名須女水星也距右外星去極百四度半入女初下為中道赤道十一度五分黃道十一度十二分凡十一度自南斗十二度至須女七度為星紀於辰在丑吳越之分野而僧一行則曰初南斗九度中南斗二十四度終女四度然按唐書曰南斗在雲漢下流當淮海間為吳分牽牛去南河寢遠自豫章迄會稽南逾嶺徼為越分似斗

宿於越無涉也故置而不錄

附女宿所屬諸星

十二國十六星在女外最右外越一星去極百二十
七度入牛四度次內趙二星去極百二十三度入牛四
度又外齊一星去極百二十八度入牛六度內周二
星去極百二十一度入牛六度秦二星去極百十度
入牛七度鄭一星去極百二十六度入女一度楚一星
去極百二十三度入女二度燕一星去極百二十七

度入女四度魏一星去極百二十一度入女四度代二
星去極百十一度入女六度韓一星去極百二十三
度入女八度晉一星去極百二十八度入女八度

離珠五星在須女北去極九十五度入牛六度半

匏瓜五星在離珠北去極七十九度入女初度

敗瓜五星在匏瓜下去極八十二度半入牛六度

天津九星在女上橫河中距右星去極四十七度

半入斗二十三度


翼宿圖

道黃

道赤

翼

東甌



翼宿考


翼宿二十二星為朱雀翼土星也距中右第二星
去極百四度入翼初度凡十九度上為中道赤道
十九度九十分黃道十九度六十五分位在巳次
於分為楚於野荊州

附翼所屬一星

東甌五星在翼右南距西星去極百二十九度入
張七度主東越閩廣越裳

軫宿圖

卷一



軫宿考

軫宿四星名天車距右內星去極百三度半入軫
初度凡十七度赤道十九度三分黃道十九度五
分起張中翼終軫十一度為鷄尾於辰在巳分野
屬荊州

附軫宿所屬諸星

長沙一星在軫中去極百五度入軫二度

軍門二星在軫右前距西星去極百十二度半入

翼十三度

土司空四星在軍門之南距南星去極百二十度
入翼十四度

器府三十二星在土司空之南距右星去極百三
十七度半入翼十八度

右轄一星去極百十度半入翼十六度半

左轄一星去極百一度半入軫六度

青丘七星去極百二十三度入軫五度

翼軫鶉尾之次於辰在巳楚分野屬荊州

劉歆三統歷起張十三度至軫五度漢書律歷志
初張十八度中翼十五度終軫十一度費直說周
易初張十三度至軫十七度蔡邕月令章句起張
十二度至軫六度陳卓景初歷起張十七度至軫
十一度皇甫謐帝王世紀起張十八度至軫十一
度一行大衍歷起張十五度中翼十二度終軫九
度明大統歷起張十五度終軫九度

斗牽牛須女星紀之次於辰在丑吳越分野屬揚州

劉歆三統厯起斗五度至女二度漢書律厯志起斗二度終女七度費直說周易起斗五度至女二度蔡邕月令章句起斗六度至女二度陳卓景初厯起斗七度至女四度皇甫謐帝王世紀起斗十一度至女七度一行大衍厯初斗九度中斗二十四度終女四度明大統厯起斗三度至女二度

桂林府軫宿十一度

平樂府軫宿六度

梧州府軫宿六度

大江以南繡江以東入於女

潯州府軫宿十一度

南寧府軫宿十三度

太平府軫宿十三度

思明郡於女

鎮安府軫宿

柳州府軫宿三度

慶遠府軫宿十一度

思恩府軫宿

泗城府軫宿

鬱林州軫宿十一度

南流江東
入於女

右二十八舍廣西分星

北斗為帝車運乎天中臨制四方以建四時而均
五行也一至四為魁五至七為杓魁第二星曰璇

主楚第四星曰權主吳

晉書天
文志

三台六星兩兩而居西近文昌二星曰上台為司

命上台上星主兗豫下星主荆揚

宋史天文志

五車五星在畢宿北五帝座也次東南一星曰司

空主填星楚分荊州

文獻通考

天市垣二十二星東蕃十一星南六曰吳越西蕃

十一星南二曰楚

宋史天文志

東甌五星在翼南蠻夷星也

青丘七星在軫東南蠻夷之國號

十二國十六星在牛女南鄭北一星曰越魏西一
星曰楚陶隱居曰越星在婺女南楚一星在魏西
南

右列宿

史記天官書吳楚之疆候在熒惑占於鳥衡案鳥
南方朱鳥七宿也衡太微垣之十一星

熒惑主楚越丙主楚戊主吳越

天文書

星紀鶉尾以負南海其神主於衡山熒惑位焉

唐書

天文志

熒惑為南方為夏為火主揚荆交州楚吳越以南

宋史天文志

右五緯

翼軫楚荊州南陽入翼六度南郡入翼十度江夏入翼十二度零陵入軫十一度桂陽入軫六度武

陵入軫十度長沙入軫十六度

晉書天文志

牽牛六星次三星主南越

隋書天文志

唐一行兩戒之說自江源循嶺徼南東及海為蠻
越又升陽進踰天關純乾之位故鷄尾直建巳之
月內列太微為天廷其分野自南河以負海亦純
陽地也又斗杓謂之外廷陽精之所布也斗魁謂
之會府陽精之所復也杓以治外故鷄尾為南方
負海之國自房陵白帝而東盡漢之南郡江夏東
達廬江南部濱彭蠡之西得長沙武陵又逾南紀
盡鬱林合浦之地自沅湘上流西達黔安之左皆

全楚之分自富昭象龔繡容白廬州以西亦鶉尾
之墟又曰在吳越東南斗牽牛星紀也初南斗九
度中南斗二十四度終女四度逾南河得漢丹陽
會稽豫章西濱彭蠡南涉越門訖蒼梧南海逾嶺
表自韶廣以西珠崖以東為星紀之分古吳越郡
舒廬桐六蓼及東南百越之國

宋蔡戡曰分野之說肇自黃帝星文之學源於甘
石其所從來遠矣遷固范曄之說以斗女為吳越

分而翼軫為荆楚分凡欲知星文之所係先考郡國之所屬可也方少康庶子之始封而為越國也都於會稽其後勾踐又以會稽而霸閩王瑤趙佗尉之王也一都東甌一都番禺其地皆北接吳之境土故前代多以吳越並稱而史或謂之揚粵以越亦揚州之分也凡遷固以來謂斗牛女為吳越之分野並屬揚州者皆指越之東界以累世立國之地言之至於兩漢地理志遂併以鬱林蒼梧所

屬之郡在越之西界者畫為牛女之分野則差之毫釐而謬以千里矣所以杜佑之作通典歐陽文忠公之志唐書東坡先生之圖指掌皆以為前史之誤也且史記趙佗帝制之時東西萬餘里而一行三河兩界圖之說則以為自江源循嶺嶠南東及海皆蠻越之地蓋粵之疆場最廣自古謂之百粵雖東極於會稽西則抵西南之界其東北界雖接吳而其西北實抵楚列宿在天所主之分野隨

方所向皆當逾海際天而後止周禮東南為揚州
正南為荊州其接吳者為揚州則星紀之分並在
東南方也固不應罄折而西轉以抵正南之方荆
楚之界而并為星紀之分野也且翼軫所向正南
之方亦不應至始安而終止而始安以南遽屬斗
牛之分也通典之說曰按荊州南境至衡山之陽
若五嶺之南在九州封域則以鄰接宜屬荊州豈
有舍荆而屬揚斯不然矣此則近史之誤也其大

槩以為嶺南之地分野所屬其西界當屬荊州翼軫之次耳唐書天文志曰後世之言星分者據漢書地理推之是守甘石之遺術而不知變通之數東坡指掌圖中其天象分野圖亦援唐志之說以為証而唐書地理志則以韶廣康端封梧藤羅雷崖以東為星紀分桂鬱林富昭蒙龔繡容白羅以西為鶉尾分又一行禪師用李淳風之說以分野圖云自韶廣康封梧藤羅雷州南及珠崖自北以

東為星紀其西北屬鶉尾之次以此參訂則越之東界其北接吳者屬星紀實斗牛女之分野而越之西界其北抵楚者屬鶉尾實翼軫之分野前史之差謬至是而後較然明甚雖然靜江在唐為桂州屬嶺南道在漢為始安屬零陵郡今支邑之荔浦漢屬蒼梧郡桂林新舊志不盡考諸家之說遂以始安屬荆為翼軫之分荔浦以南屬越遽以為牛女分益承前史之誤耳按史記勾踐滅吳併有

其地與中國會盟逮王無疆時北伐齊西伐楚與
中國爭疆其境土之廣可知矣又按史記楚世家
當夷王時楚王熊渠伐庸揚粵至於鄂揚粵即趙
佗傳中所謂揚越也西漢亦如史記之通用越粵
兩字而互見之也又云封其子為越章王皆在江
上楚蠻之地則揚粵之舊疆不復可以西漢郡縣
所分為正矣故翰林承旨宋公白等七人之續通
典亦以桂州為禹貢荊州之域春秋時越地七國

時復為楚戰國時為楚國及越之交境此蓋歷考
前載而其說進退可據若然則靜江府在漢雖屬
零陵郡其實古之越地於星文則皆屬鶉尾荊州
之分固不當以始安荔浦一時之所屬為別也晉
志以零陵為入軫十一度而始安屬零陵郡靜江
當軫之十一度矣且軫四星之中別有一星名長
沙而禮記正義所引緯書考靈耀云一度二千九
百三十二里有奇軫星共十七度今長沙去此纔

一千餘二十里則靜江當軫之十一度斷可識矣
且天文二十八宿之外其星有專主下土者不特
長沙也

明劉基星躔分野以翼軫為楚粵全境而平梧當
軫之六度

其域荆其星翼軫其地百粵

明一
統志

國朝周天易覽以順治乙未十一月冬至為歷元而
軫三度至十七度為廣西分野

元象易覽以軫三度至十三度二分為廣西布政

司所轄分野

張莊愚著

大清時憲歷經緯度云考廣西經度距春分一百零

六度五十分汰廣西緯度二十五度

緯度即元郭守敬所測北

極出地度也
湯若望著

分野總論

天以九野分地以九州畫粵西或以為荆或以為揚考之禹貢其志揚之境曰淮海惟揚州是西北

接徐豫之境東南則循海而南抵梧藤而止耳不
應奄百粵而皆屬於揚也其志荊州則曰荆及衡
陽惟荊州粵西之去衡不過千里而湘江與離江
同源異流則其屬荊州也明甚然今之畫疆分隸
豈得復泥禹迹之舊哉分野之說言人人殊惟一
行宗李淳風之說以越之東界自韶廣康封梧藤
羅雷州珠崖自北以東為星紀其西北屬鶉尾之
次則在西北抵楚者當屬鶉尾而為翼軫之分野

在東北接吳者當屬星紀而為牛女之分野宋蔡
戡亦以為然即按其氣候近西者寒燠平中田禾
歲止一收其近東者燠多寒少田禾歲有兩熟氣
候既殊則分野亦當各別夫淳風一行皆所謂專
門名家者其言疑非臆斷也洎明一統志劉基之
星躔分野其說具在而

本朝之周天易覽元象易覽天星分野諸書皆本之
時憲厯其測之最精考之最詳求天文者無以過

之矣因備述諸說以備參考

廣西通志卷一

欽定四庫全書

廣西通志卷二

氣候

揚越之地少陰多陽其人疏理其性能暑

漢書

南方地卑而土薄土薄故陽氣常泄地卑故陰氣常盛陽氣泄故四時常花三冬鮮雪一歲之中暑熱過半人居其間氣多上壅膚多汗出腠理不密蓋陽不反本而然陰氣盛故晨昏多霧春夏雨澤

一歲之間蒸濕恒多衣服皆生白醭人多中濕肢體重倦成脚氣等疾蓋陰常盛而然陰陽之氣既偏而搏故一日之內氣候屢變諺曰四時皆似夏一雨便成冬歲使然也大抵天地之氣極北寒勝極南熱勝五嶺以南號曰炎方其高岡疊嶂左右環合故鬱而為嵐惟全州地近湖湘窮冬多雪氣候似中州而桂林次之杜子美謂五嶺皆炎熱宜人獨桂林良不誣也左右兩江以及昭梧諸郡居

平曠者猶或差勝若城依巖谷或地近卑濕崎嶇
阨塞有近午方見日者至若蠻溪獠崗草木蔚蒼
虺蛇出沒江水有毒瘴氣易侵商旅氓隸觸熱征
行與夫飲食起居不節者每為所中調攝之功宜

加謹焉

李西美
攝生論

粵中五穀無味百花不香以其氣泄而鮮專凝也
大戴禮陰陽之氣亂則為霧嶺南多霧蓋由陰陽
不和蒸於莽菁之區雜以蟲蛇之氣是生瘴癘生

長此方者猶可相習而仕宦羈遊凡於暄涼晴雨
之交飲食起居之際調攝倍宜周矣

陸賈南
行記

桂林府

二廣惟桂林無瘴自是而南皆瘴鄉

桂海虞
衡志

桂林一日之間具四時之氣遷謫者惡之號四時

節

陶穀清
興錄

桂林雖無瘴而苦靈雨自春徂冬十僅一霽故地
濕而物易腐屋棟皆為蟻蛀夏秋酷暑多蚊蚋尤

不可耐甚於閩廣西山多霧初至者每苦腹漲如

蠱然嚼檳榔乃漸消

百粵風
土記

土疎陽泄久晴易熱雖盛夏隆冬景象輒變

桂林
府志

南州多無霜雪草木皆不改柯易葉獨桂林歲歲
得雪或臘中三白然終不及北州之多靈川興安
之間兩山蹲踞中容一馬謂之嚴關朔雪至關輒
止大盛則度送至桂林城下不復南矣按此說今
亦不然永福在府治西南百里三冬仍有霰雪并

至封條積地者

衆舊志

永福地多濕熱氣候不齊遇晴輒煖一雨輒涼又
夜多寒而日常煖故一歲之中臥必擁襪被雖盛
夏亦然三冬近亦見雪積地封條主米歲豐稔歲
霧滄蒸俗有青草黃茅之瘴觸之者投以苦辛之
劑即愈昔人猶謂為清淑之境云

永福縣志

全州居湖湘南地據高爽沙清水駛節候與江浙
類昔人所謂風土和平同中州清淑者也霜雪時

降瘴癘不作號樂土云

全州志

灌邑氣候雖近省其寒暑畧有不時者二三月尚有冰霜四月尚涼六月始暑七月極炎冬晴即暖陰雪始寒夏月雨多河溢食之多瀉謂之麥根爛八九月驟熱驟寒多瘡謂之小陽春

灌陽舊志

平樂府

平樂為楚南境氣候恒燠地介五嶺之間峯巒迴合山林水石之氣時溢為霧四望羃歷咫尺莫辨

深山疊嶂為盛城郭為輕行旅勞役之人尤易侵

染

平樂府志

平樂風氣多熱少寒草樹秋杪而不凋花卉冬初

而見艷

縣志

四時晴霽便熱或有風雨俄頃便寒調護稍失百

病易生

恭城縣志

富川氣候近衡湘與諸縣大殊四時多風其聲甚

烈隆冬有雪草木盡凋

平樂府志

春三月有青草瘴四五月有黃梅瘴六七月有新
禾瘴八九月有黃茅瘴又有桂花瘴菊花瘴之名
大抵皆乘虛而入故元氣盛則邪氣不能侵此養
生第一義也

荔浦
縣志

昭平界梧川之間屹巒環峙灘水湍流叢薄密箐
嵐煙瘴霧倏雨而寒倏霽而燠一日可更裘葛焉
而秋末冬初其氣乾燥瘴癘又甚

昭平
縣志

永安四山擁蔽氣不舒暢比於鄰壤瘴霧尤厲

永安

州志

梧州府

梧州氣候與中州異峰巒環峙三江合流融結鬱
燠春夏之交霖雨彌旬漲潦時發三伏炎熇特甚
隆冬或有微霜大抵炎荒燠多寒少陽氣泄陰氣
不收生物早而不力人感之每患瘧疾驟去衣襟
輕飲涼水者為所中

梧州府志

三冬晴霽常至揮扇九夏陰雨亦覺微寒郡屬大

都相類府

志

地多燠少寒三冬不見雪山高林茂煙鬱嵐蒸故

陰晴之分一日數變

藤縣志

南方地暖無冰雪或數十年一見近年梧屬霜雪

頗重逾於往時

岑溪縣志

岑地多暖昆蟲少蟄草木不甚零落桃李先梅而

綻三夏固暑而經秋更熱謂之蒸秋

梧州志

西粵多山而懷集尤在萬山之中偏方土淺陽燠

之氣易升山峻地卑陰濕之凝更重煖生常早寒

肅常遲一日之間氣候易變而疾病橫生

懷集縣志

潯州府

潯州四時常花三冬無雪夏不熱而秋熱冬不寒

而春寒三伏或至披裘殘臘間亦揮扇

潯州府志

草木蓊勃虺蛇出沒日蒸水氣積而為瘴城廂平

坦之地則少鄉陬巖谷之處則多甚於春夏而冬

則無之

舊志

多暑少寒有霜無雪或數年一見間有颶風折木
發屋至二三日止臘月多微雨朔風嚴凝久之忽
霽名曰迴南連雨之後必有晚照倒射明旦重霧
四塞日出反遲

貴縣志

南寧府

南寧古邕管兩江合流環城暮冬氣候暖若三春
樹葉多不落桃李亂開蝮蛇出土不蟄日晴驟熱
則溫霧如湯濺人衣故號炎鄉

南寧舊志

四山開朗江流遶城嵐氣發洩不為瘴癘

新寧州志

地劇炎荒山多陰曠物生常早

隆安縣志

太平府

太平為粵西極邊地愈卑土愈薄濕燠尤甚

太平府志

地卑土薄春夏霪雨冬無霜雪

崇善縣志

左州氣候乍寒乍熱最難調攝

李詮養生篇

地近交趾山多嵐瘴春夏水漲有蟲蛇草木之毒

易於傷人

養利州志

永康為粵西極邊所在深山密箐氣候多乖四時不和陰陽失正人居其間四肢沉倦百病俱生甚

於他處

永康州志

鎮安府

寒暑無常陰晴不一夏秋之際地生嵐瘴

節思恩府志

奉議罕見霜雪山深嵐翳草木不枯

節府志

歸順山高陰重少暑多寒穀實頗遲

歸順州志

都康四時瘴霧不分冬夏遇雨則寒

節府志

柳州府

柳州地近桂林號無瘴且山水清曠風氣與中州

不甚異

舊志

雒容與桂永接壤土疎陽泄故氣候易暖多陰

雒容

縣志

懷遠在柳州西北氣候常寒較他縣畧異柳無雪而懷則有雪多崇山峻嶺邃谷寒生即盛夏亦無溽暑春秋二分居必挾纊故五穀不再熟亦有青

草黃茅之瘴每晨黑霧蔽日清涼逼人急當避忌

懷遠

縣志

融在柳州上游氣候與湖湘不殊

融縣志

慶遠府

慶遠介龍城西四時皆等暮春中夏時亦有寒涼
如秋冬者大約陰雨蠻風霾蔽日照之故若其義
馭當空即已令人煩燥晝方裸赤入夜仍須挾纊
自朝至暮寒燠數更故諺曰急脫急著勝似服藥

云

慶遠府志

宜山附郭天河距郡非遙暖既無殊冷亦不異氣

候尚為差勝

府志

河池地居萬山風多暈人天饒雨霧冬無冰雪時

常陰晦四季皆瘴

舊志

荔波錯壤黔省

雍正十年因改隸都勻

寒燠非時雨暘無候

溪蒸毒焰山吐嵐氛有桃桂枯嶺等瘴

舊志

忻城附郡東南分理者至而輒斃水土尤可詫異

永定永順原屬宜山境土大槩不甚相遠

慶遠舊志

東蘭南丹郡地俱係蠻溪獠峒深箐密布草木翳翳巖依穴處類皆鱗蟒蛇蝮雨過萬壑交衝沫淫毒螫再加上霧下潦烈暑燒空商旅氓隸若貪涼飲冷即為所中他病半熱半寒率由陽虛陰逼醫必溫中固下以定二氣之分誤用祛發百不一生又曰慶遠春三月暖氣薰蒸人多袒裼科跣儼如內地人伏景象夏三月暑熱雖侵反無十分酷烈

因春時蘊隆已泄故也秋三月肅殺之氣不甚林
端無異暮春冬三月煦燠如常罕見霜雪若風雨
連朝陰氣迫而成寒轉甚冬時

舊志

思恩府

恒燠少寒多陰晦無霜雪青草黃茅瘴癘時作府
治平衍四山開暢為患猶鮮武緣近屬山水多有
清曠處候差無別其餘土俗村墟皆層巒疊嶂晨
昏嵐霧日中始辨陰晴寒暑不和四時如一旦逢

陰雨雖夏亦秋偶值晴暄雖冬猶夏

思恩府志

又舊城古零二土司何旺堡地高山陰多寒少暑

五穀發生最遲田州百色鄰距廣南暑盛秋中嵐

氣特厲熱霧昏蒸行旅輒畏之

節府志

賓州無大江以洩水氣民居皆沮洳卑濕層巒蒸

霧雨甚即寒入冬猶熱嶺以南常候也

舊志參方輿勝覽

泗城府

萬山叢菁嵐霧迷漫雖天晴必已午二時始見日

色節府

志

西隆寒暑不時瘴癘獨甚居民多住山頂嵐霧在

下陰翳之氣稍可避

州志

直隸鬱林州

平原廣野山清水深春夏多雨冬寒無雪又一歲

之間暑熱過半陰氣盛故晨夕嵐霧

鬱林州志

論曰粵西自桂林外昔稱瘴鄉大率土廣民稀故也今則休恬安養生齒蕃盛村落錯居寒暑應候

近郡皆同中土惟泗城西隆西林東蘭歸順等地
林尚深密處嵐霧所蒸尚覺稍有瘴氣然讀梅昭
州五瘴之說則知身固有瘴而逆氣成疾固非荒
遠為害矣何況風動日暄四氣協而陰陽和又駸
駸乎有轉移斯闢者歟



廣西通志卷二